

UNIVERZITET U TUZLI
Ul. Dr. Tihomila Markovića br. 1
Broj: 01-65-JN-13/24
Tuzla, 03.06.2024. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika Komisije o pregledu i ocjeni ponuda broj: 01-65-JN-12/24 od 31.05.2024. godine, po punomoći Rektora Univerziteta u Tuzli broj: 01-1424-1/24 od 13.03.2024. godine, direktor za ekonomske poslove, *donio je*

ODLUKU O IZBORU NAJPOVOLJNIJEG PONUĐAČA

I

U okončanom Otvorenom postupku javne nabavke računarske i elektroničke opreme u cilju realizacije projekata 1FUTURE, izabran je ponuđač PR "MEDIA MARKET" Prijedor, sa ukupnom cijenom u iznosu od 2.550,00 KM bez PDV-a odnosno 2.983,50 KM sa PDV-om, te se istom dodjeljuje ugovor o nabavci roba.

II

Ponuda ponuđača iz tačke I ove Odluke zadovoljava sve uslove postavljene u Tenderskoj dokumentaciji, te je po svim elementima, uključujući i ponudenu cijenu prihvatljiva za Univerzitet u Tuzli.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostavi original ili ovjerene kopije svih dokaza iz člana 45. stav (2) tačka a) do d) Zakona o javnim nabavkama BiH, u skladu sa tačkom 8. Tenderske dokumentacije.

IV

Ova Odluka se objavljuje na internetskoj stranici Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

Obrazloženje

Univerzitet u Tuzli pokrenuo je postupak javne nabavke računarske i elektroničke opreme u cilju realizacije projekata 1FUTURE putem Otvorenog postupka javne nabavke broj: 01-65-JN-2/24 od 04.04.2024. godine, objavljenog na Portalu javnih nabavki, obavještenje broj: 795-1-1-37-3-52/24 od 15.04.2024. godine, a sažetak u „Službenim novinama BiH” broj: 27/24 od 19.04.2024. godine i WEB stranici Univerziteta.

Odobreni budžet za nabavku iznosi 4.545,00 KM (bez PDV-a).

U roku utvrđenom tenderskom dokumentacijom blagovremeno je dostavljeno šest (6) ponuda, sljedećih ponuđača: „EMADO“ d.o.o. Sarajevo, „ALF-OM” d.o.o. Banja Luka, „ELUR“ d.o.o. Kiseljak, „INTER-COM“ d.o.o. Zenica, PR "MEDIA MARKET" Prijedor i "UNIVERZALNO" d.o.o. Sarajevo.

Nakon javnog otvaranja ponuda Komisija za javne nabavke izvršila je detaljnu provjeru dostavljenih ponuda i utvrdila da je ponuda ponuđača „EMADO“ d.o.o. Sarajevo nepravilna i da nije u skladu sa tenderskom dokumentacijom. Zapisnikom o pregledu i ocjeni ponuda konstatovano je da ponuda ne zadovoljava tehničke specifikacije tražene opreme za stavku pod rednim brojem 3. Obrasca za cijenu ponude - "Printer/scan/copy" jer je tražena oprema sa funkcijom printanja, skeniranja i kopiranja, a ponuđač je ponudio printer HP LaserJet Pro 3003dw koji posjeduje samo opciju ispisa, a ne i zahtjevane scan/copy opcije, zbog čega se ova ponuda odbacuje. Cijeneći ponude ponuđača "ALF-OM" d.o.o. Banja Luka, "ELUR" d.o.o. Kiseljak, „INTER-COM“ d.o.o. Zenica, PR "MEDIA MARKET" Prijedor i "UNIVERZALNO" d.o.o. Sarajevo, u pogledu kvalifikiranosti i ispunjavanja zahtjeva iz tehničke specifikacije opreme, te prema obliku, sadržaju i potpunosti, Komisija je utvrdila da su ponude prihvatljive u formalno-pravnom i tehničkom smislu.

Nakon provjere računске ispravnosti ponuda, Ugovorni organ je prihvatljive ponude unio u sistem e-Nabavke radi provođenja e-aukcije, u skladu sa Pravilnikom o uslovima i načinu korištenja e-aukcije ("Službene novine BiH" broj: 80/23) i tenderskom dokumentacijom.
E aukcija zakazana za 31.05.2024. godine u 12,00h okončana je isti dan u 12,22h.

Nakon okončane e-aukcije i u skladu sa Izvještajem o toku i završetku e-aukcije od 31.05.2024. godine, sačinjena je slijedeća rang lista ponuda po povoljnosti:

PONUĐAČ	PONUĐENA CIJENA KM (bez PDV)	RANG
PR "MEDIA MARKET" Prijedor	2.550,00 KM	1.
"UNIVERZALNO" d.o.o. Sarajevo	2.699,00 KM	2.
„INTER-COM“ d.o.o. Zenica	2.700,00 KM	3.
"ELUR" d.o.o. Kiseljak	2.860,00 KM	4.
"ALF-OM" d.o.o. Banja Luka	4.540,00 KM	5.

Budući da je ponuda ponuđača PR "MEDIA MARKET" Prijedor prihvatljiva i da ispunjava sve postavljene zahtjeve u pogledu lične, profesionalne i tehničke sposobnosti, to je Komisija predložila da se ponuđaču koji je ponudio najpovoljniju ponudu u skladu sa kriterijem za dodjelu ugovora "najniža cijena" dodijeli ugovor o javnoj nabavci.

Cijeneći izneseno, te činjenicu da su u ovom postupku javne nabavke zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli, Direktor za ekonomske poslove prihvatio je prijedlog Komisije i odlučio kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba URŽ-u putem ugovorog organa Univerziteta u Tuzli u roku od deset (10) dana od dana njenog prijema, na adresu dr. Tihomila Markovića br.1.

Prilog:

- Zapisnik o pregledu i ocijeni ponuda broj:
01-65-JN-12/24 od 31.05.2024. godine



DIREKTOR

ZA EKONOMSKE POSLOVE

Alden Osmanbegović, dipl.oec

DOSTAVITI:

1x učesnicima
1x WEB portal
1x a/a